

Կորպորատիվ կառավարման

ՁԵԿՈՒՅՑ

2026թ.

Ընկերության անվանումը «Էլեկտրաէներգետիկական համակարգի
օպերատոր» փակ բաժնետիրական
ընկերություն

Հասցե **ք. Երևան, Արուսյան 27**

Ինտերնետային կայք www.energyoperator.am

E-mail: office@energyoperator.am

ՀՀ Իրավաբանական անձանց պետական ռեգիստրի գործակալությունում
գրանցման համարը և ամսաթիվը՝ 27312003639, 05.11.2003թ., վկայական թիվ
03 Ա 062403


Իրավակազմակերպական ձևը՝ փակ բաժնետիրական ընկերություն

«Էլեկտրաէներգետիկական համաարգի օպերատոր» ՓԲ ընկերության
բոլոր բաժնետոմսերը տեղաբաշխված են, պատկանում են Հայաստանի
Հանրապետությանը, վճարված են նրա կողմից և կառավարվում են ՀՀ
կառավարության և նրա լիազորված անձի՝ ՀՀ տարածքային կառավարման և
ենթակառուցվածքների նախարարի կողմից: Ընկերության կանոնադրական
կապիտալը կազմում է 3 450 241 482.4647 (երեք միլիարդ չորս հարյուր հիսուն
միլիոն երկու հարյուր քառասունմեկ հազար չորս հարյուր ութսուներկու
4647/10000) ՀՀ դրամ, որը կազմում է 316 349 (երեք հարյուր տասնվեց հազար
երեք հարյուր քառասունինը) հատ հասարակ (սովորական) անվանական
բաժնետոմս: Մեկ բաժնետոմսի արժեքը 10906.4403 (տասը հազար ինը հարյուր
վեց 4403/10000) ՀՀ դրամ:

1. Ընկերության վարչակազմակերպական կառուցվածքը

«ԷԼԵԿՏՐՈՒԵՆԵՐԳԵՏԻԿԿԿԿԱԼ ՀԱՄԱԿՈՒՐԿԻ
ՕՊԵՐԱՏՈՐ» ՓԲԸ-ի
ՎՈՐՉԱԿԿԱԶՄԱԿԵՐՊՈՎԱԿԱԼ ԿԱՌՈՒՑՎԱԾԹ

Հաստատված է
«Էլեկտրամեներգետիկական համակարգի
օպերատոր» ՓԲԸ 05.10.2023թ.
խորհրդի որոշմամբ



2. Ընկերության կորպորատիվ կառուցվածքը

Համաձայն Կորպորատիվ կառավարման Կանոնագրքի և Ընկերության Կանոնադրության պահանջների՝ Ընկերությունը սահմանել է հետևյալ կորպորատիվ կառուցվածքը.

- ա) Բաժնետիրոջ ընդհանուր ժողով
- բ) Խորհուրդ
- գ) Գործադիր մարմին

3. Բաժնետիրոջ ընդհանուր ժողովը (ԲԸԺ)

3.1. Հաշվետու տարում գումարվել է բաժնետիրոջ վեց արտահերթ ընդհանուր ժողովներ՝ 2025թ. փետրվարի 10-ին, մարտի 31-ին, հունիսի 18-ին, հունիսի 20-ին, հոկտեմբերի 31-ին և դեկտեմբերի 30-ին, և մեկ տարեկան ընդհանուր ժողով՝ հունիսի 30-ին: Բաժնետիրոջ ընդհանուր ժողովները գումարվել են ՀՀ Տարածքային կառավարման և ենթակառուցվածքների նախարարությունում:

3.2. Բաժնետիրոջ ընդհանուր ժողովին մասնակցելու իրավունք ունեցող բաժնետերը ԲԸ ժողովի մասին ծանուցվել է էլեկտրոնային եղանակով: Օրակարգը և համապատասխան փաստաթղթերը ուղարկվել են էլեկտրոնային եղանակով: Օրակարգի և ԲԸ ժողովին վերաբերող տեղեկությունները և փաստաթղթերը ԲԸ ժողովին մասնակցելու իրավունք ունեցող անձանց տրամադրելու կարգը սահմանված է Ընկերության Կանոնադրությամբ (հոդված 11.5 կետում):

3.3. Բաժնետերը հնարավորություն է ունեցել ԲԸ ժողովին մասնակցել լիազորված անձի միջոցով: Լիազորագրի ձևերը, Ընկերության Կանոնադրության 11.4 հոդվածով սահմանված կարգով, հասանելի է եղել բաժնետիրոջը:

3.4. Բաժնետերը կումուլյատիվ քվեարկությամբ չի քվեարկել, քանի որ բաժնետերը մեկն է:

4. Ընկերության Խորհուրդը

4.1. Խորհրդի գործառույթները

Կանոնագրքի II գլխի II.1 սկզբունքը և Ընկերության կանոնադրության 13.5 հոդվածը սահմանում են Խորհրդի բացառիկ իրավասությունները: Խորհրդին պատվիրակված իրավասություններ չեն սահմանվել:

4.2. Խորհրդի գործունեությունը

2025թ. ընթացքում Խորհուրդը գումարել է հինգ Խորհրդի նիստեր, որոնցից մեկը առկա և չորսը հեռակա քվեարկությամբ: Նիստերը տեղի են ունեցել փետրվարի 7-ին, մարտի 26-ին, մայիսի 23-ին, հունիսի 20-ին և հոկտեմբերի 29-ին:

4.3. Խորհրդի կազմը

2025թ. Ընկերության խորհուրդը բաղկացած է եղել 13 անդամներից, որոնցից տասնմեկը ոչ գործադիր են , 1 անդամ՝ գործադիր և 1 անդամ՝ անկախ:

Խորհրդի գործադիր անդամը Ընկերության ընթացիկ ղեկավարման մեջ ներգրավված անձ է:

Խորհրդի ոչ գործադիր անդամը այն անձն է, ով ներգրավված չէ Ընկերության կամ նրա որևէ դուստր ընկերության ընթացիկ ղեկավարման մեջ:

«ԷԷՀՕ» ՓԲ ընկերության Խորհրդի 2023թ. փետրվարի 24-ի նիստում Ընկերության Խորհրդի նախագահ է ընտրվել ՀՀ Տարածքային կառավարման և ենթակառուցվածքների նախարարության իրավաբանական վարչության պետ Ա.Խաչատրյանը:

Խորհուրդ

	Պաշտոնը	Անուն, ազգանուն	Գործադիր	Ոչ գործադիր	Անկախ	Խորհրդի անդամ է սկսած՝
1.	Նախագահ	Ա.Խաչատրյան		ոչ գործադիր		08.2023թ.-ից
2.	Անդամ	Ա.Հարությունյան		ոչ գործադիր		06.2014թ.-ից
3.	Անդամ	Ն.Հարությունյան		ոչ գործադիր		01.2025թ.-ից
4.	Անդամ	Ս. Կարայան		ոչ գործադիր		02.2019թ.-ից
5.	Անդամ	Է. Մարտիրոսյան		ոչ գործադիր		08.2020թ.-ից
6.	Անդամ	Կ. Հարությունյան Ռ. Պետրոսյան		ոչ գործադիր		10.2015թ.-07.2025թ. 07.2025թ.-ից
7.	Անդամ	Դ. Միրզոյան Հ. Հայրապետյան		ոչ գործադիր		10.2023թ. - 11.2025թ. 11.2025թ.-ից
8.	Անդամ	Ա. Բաղդասարյան Գ. Պողոսյան		ոչ գործադիր		01.2024թ.- 07.2025թ. 07.2025թ.-ից
9.	Անդամ	Ա. Կիրակոսյան		ոչ գործադիր		06.2020թ.-ից
10.	Անդամ	Ա. Աբաջյան		ոչ գործադիր		10.2022թ.-ից
11.	Անդամ	Ե. Ազոյան Ն. Ադամյան		ոչ գործադիր		09.2016թ.-02.2025թ. 02.2025թ.-ից
12.	Անդամ	Դ.Գրիգորյան Ն. Ապիտոնյան	գործադիր			06.2024թ.-06.2025թ. 06.2025թ.-01.2026թ.
13.	Անդամ	Ս. Պետրոսյան Ռ. Ավդյան			անկախ	09.2016թ.-06.2025թ. 06.2025թ.-ից

4.4. Տեղեկություններ խորհրդի անդամների մասին



Արամ Խաչատրյան

Ծննդյան տարեթիվ - 1992 թ:

Կրթություն

2009-2013 թթ.- Գավառի պետական համալսարան, հումանիտար մասնագիտությունների ֆակուլտետ, բակալավրիատ,

2011-2013 թթ. - Սանկտ Պետերբուրգի արտաքին տնտեսական կապերի, էկոնոմիկայի և իրավունքի ինստիտուտ, իրավագիտություն մասնագիտությամբ, իրավագետի դիպլոմավորված մասնագետի որակավորում:

2013-2016 թթ. - ՀՀ պետական կառավարման ակադեմիա Հանրային իրավունք, ասպիրանտուրա:

Աշխատանքային գործունեություն

2013-2014 թթ. - Գավառի «28-ՇՄՇ» ԲԲԸ-ի իրավաբանական բաժնի պետ,

2014-2017 թթ. - ՀՀ Գեղարքունիքի

մարզպետարան, մարզպետի տեղակալի օգնական,

2017-2018 թթ. - ՀՀ առողջապահության նախարարության առողջապահական տեսչական մարմնի հյուսիս-արևելյան տարածքային կենտրոնի ղեկավարի տեղակալ,

2018-2019 թթ. - ՀՀ Գեղարքունիքի մարզպետարանի կրթության, մշակույթի և սպորտի վարչության պետի տեղակալ,

2019-2020 թթ. ՀՀ Գեղարքունիքի մարզպետարանի իրավաբանական բաժնի վարիչ,

2020-2021 թթ. ՀՀ Գեղարքունիքի մարզպետարանի իրավաբանական բաժնի պետ-գլխավոր իրավաբան,

2021 թվականի օգոստոսից-մինչև դեկտեմբերի 15-ը ՀՀ տարածքային կառավարման և ենթակառուցվածքների նախարարի խորհրդական,

2021 թվականի դեկտեմբերի 15-ից ՀՀ տարածքային կառավարման և ենթակառուցվածքների նախարարության իրավաբանական վարչության պետ:

Այլ տվյալներ

Իրավաբանական գիտությունների թեկնածու,

Մեկ մենագրության և մեկ տասնյակից ավելի գիտական աշխատությունների հեղինակ:

Անձնական տվյալներ՝ ամուսնացած է, ունի մեկ երեխա:



Արամ Հարությունյան

Ծննդյան տարեթիվ 06/12/1970

Կրթություն

1987-1993թթ. - Հայկական գյուղատնտեսական ինստիտուտ, տնտեսագետ-կազմակերպիչի որակավորում:

Աշխատանքային գործունեություն

1993-1998թթ. - ՀՀ կառավարությանն առընթեր պետական ունեցվածքի հաշվառման և ապապետականացման վարչություն, որպես տնտեսագետ, բաժնի պետի տեղակալ:

1998-2002թթ. - ՀՀ սեփականաշնորհման նախարարություն, որպես բաժնի պետի տեղակալ, բաժնի պետ:

2002-2004թթ. - «Աճուրդի կենտրոն» ՊՈԱԿ, որպես բաժնի պետ:

2004-2006թթ. - «Ընկերությունների աջակցման և պետական գույքի գնահատման գործակալություն» ՊՈԱԿ, որպես վարչության պետ:

2006-2008թթ. - ՀՀ կառավարությանն առընթեր պետական գույքի կառավարման վարչություն, որպես գլխավոր աուդիտոր:

2008-2018թ.թ. - ՀՀ ԿԱ պետգույքի կառավարման վարչության լուծարման բաժնի պետ,

2018թ.-ից առ այսօր - ՀՀ տարածքային կառավարման և ենթակառուցվածքների նախարարության պետգույքի կառավարման վարչության լուծարման բաժնի պետ:

Անձնական տվյալներ - ամուսնացած է , ունի երեք երեխա:



Կարեն Հարությունյան

Ծննդյան տարեթիվ՝ 18.08.1968թ.:

Կրթություն

1987-1991թթ. - Հայկական պետական տնտեսագիտական համալսարան /Երևանի ժողտնտեսության ինստիտուտ/, ապրանքագետ, առևտրի կազմակերպիչ,

Աշխատանքային գործունեություն

1991-1996թթ.- «Հայաստանի ապրանքահումքային բորսա» բրոքերային կազմակերպության ղեկավար,

1996 – 1997 թթ. - «Նուբարաշենի էլեկտրացանց» ՓԲԸ, գլխավոր հաշվապահ,

1996 - 2002 թթ. - «Երևանի էլեկտրացանց» ՓԲԸ, ֆինանսական տնօրեն, գլխավոր հաշվապահ,

1997-2001թթ. - ՀՀ «Էներգետիկայի գիտահետազոտական ինստիտուտ», տնտեսագետ – էներգետիկ,

2002թ. - «Հայջրմուղկոյուղի» ՓԲԸ, ֆինանսական տնօրեն,

2002- 05.2012թ. - «Հայաստանի էլեկտրական ցանցեր» ՓԲԸ, ֆինանսական տնօրենի տեղակալ, գլխավոր գանձապետ, գլխավոր հաշվապահ,

2012թ. – 2014թ. - MVV decon, AEG Service, SAUR S.A.S. ՓԲԸ, «Շիրակ-ջրմուղկոյուղի» ՓԲԸ ֆինանսական տնօրեն և «Լոռի-ջրմուղկոյուղի» ՓԲԸ, «Շիրակ- ջրմուղկոյուղի» ՓԲԸ և «Նոր Ակունք» ՓԲԸ ֆինանսական կորորդինատոր,

2014թ.- 2015թ. - Grant Thornton Տաշիկստան, ֆինանսական փորձագետ

2014թ.-2015թ. - «Բարձրավուլտ էլեկտրացանցեր» ՓԲԸ տնօրենի տեղակալ, ֆինանսական գծով տնօրեն,

2015-07.2025թթ. «Հայաստանի էլեկտրական ցանցեր» ՓԲԸ գլխավոր տնօրեն,

Հայաստանի հաշվապահների և աուդիտորների ասոցիացիա, Հաշվապահների միջազգային ֆեդերացիայի անդամ

Անձնական տվյալներ՝ Ամուսնացած է, ունի երկու երեխա:



Ռոմանոս Պետրոսյան

Ծննդյան տարեթիվ` 26.08.1979թ.:

Կրթություն

1996-2003թթ. – Երևանի պետական համալսարանի աշխարհագրության և երկրաբանության ֆակուլտետ` «Օգտակար հանածոների հանքավայրերի հետախուզում և գնահատում» մասնագիտությամբ:

Աշխատանքային գործունեություն

2003-2006թթ. - Աբովյան քաղաքապետարանի Մանկապատանեկան ստեղծագործության կենտրոն, ուսումնական նախագծի ղեկավար,
2006թ. - «Ախթալայի ԼՀԿ» ՓԲԸ, տնտեսագետ,
2006 - 2007 թթ. - «Հայր և որդի Երիցյաններ» ընկերություն,
2007 -2008թթ. - Մոսկվայի «Basis» շինարարական ընկերության ղեկավար մարմնի անդամ,
2009 -2014թթ. - «Օրանժ Արմենիա» ՓԲԸ գլխամասային գրասենյակ,
2015թ. -2016թթ. - «Էսէյ-Ինթերփրայզիս» շինարարական հոլդինգի Կոմերցիոն բաժնի ղեկավար,
2017թ. - 2018թ. - «Բիզնես Ռեջենթ» ՍՊԸ տնօրեն,
2018թ. -2020թ. - ՀՀ Կոտայքի մարզպետ,
2020թ.-2021թ. - ՀՀ Շրջակա միջավայրի նախարար,
2021թ.-2025թ. - ՀՀ Պետական վերահսկողության ծառայության պետ
2025թ.-ի հուլիսի 18-ից - «Հայաստանի էլեկտրական ցանցեր» ՓԲԸ ժամանակավոր կառավարիչ:

Անձնական տվյալներ` Ամուսնացած է, ունի երկու երեխա:



Նորայր Հարությունյան

Ծննդյան տարեթիվ՝ 26.11.1962 թ.:

Կրթությունը

1984-1989թթ. - Երեւանի Պոլիտեխնիկական Ինստիտուտի
Էներգետիկական ֆակուլտետ, մասնագիտություն՝ Ջերմային
էլեկտրական կայաններ որակավորում՝ ինժեներ – ջերմաէներգետիկ,

Աշխատանքային գործունեություն

1989-1990թթ. - Գյուղատնտեսության էլեկտրիֆիկացման
համամիութենական ինստիտուտի Հայաստանի մասնաճյուղ,
ինժեներ:

1990-1993թթ. - Երեւանի պոլիտեխնիկական ինստիտուտ, ուսուցման
տեխնիկական միջոցների լաբորատորիայի վարիչ:

1993-1994թթ. - ՀՊՃՀ պրեզիդենտի օգնական, համատեղությամբ՝
Էներգետիկական ֆակուլտետի Ջերմաէներգետիկայի ամբիոնի
ասիստենտ:

1994-1998թթ. - ՀՊՃՀ Էներգետիկական ֆակուլտետի Ջերմաէներգետիկայի
ամբիոնի ասիստենտ, միաժամանակ՝ ՀՊՃՀ Ամերիկայի Հայ Կրթական
Հիմնարկության Համակարգչային Հրատարակչական կենտրոնի
տնօրեն:

1998-2002թթ. - ՀՊՃՀ Էներգետիկական ֆակուլտետի Ջերմաէներգետիկայի
ամբիոնի համակարգչային լաբորատորիայի վարիչ:

2002-2006թթ. - ՀՊՃՀ ռեկտորի օգնական, համատեղությամբ՝ Էներգետիկական
ֆակուլտետի դոցենտ:

2006-2008թթ. - ՀՊՃՀ աշխատակազմի ղեկավար:

2008-2011թթ. - ՀՊՃՀ աշխատակազմի ղեկավար - պրոռեկտոր :

2011-2016թթ. - ՀՊՃՀ Էներգետիկական ֆակուլտետի
Ջերմաէներգետիկայի և շրջակա միջավայրի պաշտպանության
ամբիոնի դոցենտ:

2016-2016թթ. - ՀԱՊՀ Էներգետիկայի և էլեկտրատեխնիկայի ինստիտուտի
տնօրենի պաշտոնակատար, համատեղությամբ՝ Էներգետիկական և
էլեկտրատեխնիկայի ինստիտուտի Ջերմաէներգետիկայի և շրջակա
միջավայրի պաշտպանության դոցենտ:

2016-2021թթ. - ՀԱՊՀ Էներգետիկայի և էլեկտրատեխնիկայի ինստիտուտի
դոցենտ:

2014-2022թթ.- Հայաստանի վերականգնվող էներգետիկայի և էներգախնայողության հիմնադրամում էներգախնայողության ծրագրի մոնիտորինգի իրականացման խորհրդատու, ինժեներ – էներգետիկ, տեղեկատվավերլուծական խմբի ղեկավար:

2022 թ. մայիսի 23-ից «Հաշվարկային կենտրոն» ՓԲԸ գլխավոր տնօրենի տեղակալ էլեկտրաէներգետիկական շուկայի գծով:

2025թ. հունվարի 27-ից «Հաշվարկային կենտրոն» ՓԲԸ գլխավոր տնօրենի պապարտականությունները կատարող,

Գիտական աստիճաններ և կոչումներ

2001թ. - Տեխնիկական գիտությունների թեկնածուի գիտական աստիճան՝ «Ջերմաէներգետիկա» մասնագիտությամբ:

2004թ. - Դոցենտի գիտական կոչում՝ «էներգետիկա» մասնագիտությամբ:

2010թ. - Հայաստանի ճարտարագիտական ակադեմիայի թղթակից անդամ:

2014թ. - Հայաստանի ճարտարագիտական ակադեմիայի իսկական անդամ:

Պարգևատրումներ

2008թ.- ՀՀ կրթության և գիտության նախարարության «Ոսկե հուշամեդալ»,

2013թ. - Հայաստանի պետական ճարտարագիտական համալսարանի «Ոսկե հուշամեդալ»,

2015 թ. - Միջազգային գիտական և ինժեներական ընկերության «Ինժեներական փառք» մեդալ:

Անձնական տվյալներ՝ Ամուսնացած է, ունի 2 երեխա:



Դավիթ Միրզոյան

Ծննդյան տարեթիվ- 24.09.1975 թ.

Կրթություն

1992-1997թթ. - Երևանի ժողովրդական տնտեսության ինստիտուտի ինժեներատնտեսագիտական ֆակուլտետ, ստացել է ինժեներ-տնտեսագետի որակավորում:

Աշխատանքային գործունեություն

1997-2002թթ. - Այգեձորի միջնակարգ դպրոց, մաթեմատիկայի ուսուցիչ,

2003 - 2007թթ. - ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության Արաբկիրի տարածքային բաժին, առաջին կարգի մասնագետ,

2007-2012թթ. - ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության Արաբկիրի տարածքային բաժին, գլխավոր մասնագետ,

2012-2018թթ. - ՀՀ արդարադատության նախարարության աշխատակազմի իրավաբանական անձանց պետական ռեգիստրի գործակալության սպասարկման և հրապարակային ծանուցման բաժին, գլխավոր մասնագետ,

2018-2021թթ. - «Արդարադատության նախարարության աշխատակազմի իրավաբանական անձանց պետական ռեգիստրի գործակալության հրապարակային ծանուցումների բաժին, բաժնի պետ,

09.2021-11.2021թթ. - «Տարածքային կառավարման և ենթակառուցվածքների նախարարության վարչական վերահսկողության վարչություն, փորձագետ,

11.2021-11.2022թթ. - «Տարածքային կառավարման և ենթակառուցվածքների նախարարության վարչական վերահսկողության վարչություն, վարչական վերահսկողության մշտադիտարկման բաժնի պետ,

11.2022թ.-ից - «Բարձրավոլտ էլեկտրացանցեր» ՓԲԸ գլխավոր տնօրենի տեղակալ,

02.10.2023թ.-ից - «Բարձրավոլտ էլեկտրացանցեր» ՓԲԸ գլխավոր տնօրենի պարտականությունները կատարող,

2024թ- - «Բարձրավոլտ էլեկտրացանցեր» ՓԲԸ գլխավոր տնօրեն:

Անձնական տվյալներ - Ամուսնացած է:



Հայկ Հայրապետյան

Ծննդյան տարեթիվ՝ 17.03.1987 թ.:

Կրթություն

2003 - 2007 թթ - Հայ-Ռուսական Սլավոնական համալսարան, քաղաքագետի մասնագիտություն

Աշխատանքային գործունեություն

2010 – 2023 թթ. - «Ֆինքա ՈւՎԿ» ՓԲԸ, վարկային մասնագետ, ավագ վարկային մասնագետ, վարկային թիմի ղեկավար, վարկային ռիսկերի առաջատար մասնագետ

2023 - 2025 թթ. - ՎՏԲ Հայաստան Բանկ, գլխավոր մասնագետ, բաժնի ղեկավար, 13.02.2025 թ. - «Բարձրավոլտ էլեկտրացանցեր» ՓԲԸ, գլխավոր տնօրենի տեղակալ,

20.11.2025թ. -ից - «Բարձրավոլտ էլեկտրացանցեր» ՓԲԸ, գլխավոր տնօրենի պարտականությունները կատարող:

Անձնական տվյալներ՝ ամուսնացած է, ունի երկու երեխա:



Սուրեն Կարայան

Ծննդյան տարեթիվ՝ 26/04/1973թ.

Կրթություն

1990-1995թթ.- Երևանի պետական համալսարան,

1995-1998թթ.- Երևանի պետական համալսարան՝ ասպիրանտ:

Աշխատանքային գործունեություն

1997-1998թթ. - ՀՀ ֆինանսների և էկոնոմիկայի նախարարություն՝ հարկային քաղաքականության վարչության առաջատար մասնագետ (պայմանագրային հիմունքներով), 1998-1999թթ. - ՀՀ ֆինանսների և էկոնոմիկայի նախարարություն՝ հարկային քաղաքականության վարչության բաժնի պետի պաշտոնակատար, բաժնի պետ,

1999-2000թթ. - ՀՀ ֆինանսների և էկոնոմիկայի նախարարություն՝ հարկային քաղաքականության վարչության պետի պաշտոնակատար, վարչության պետ,

2000-2001թթ. - ՀՀ ֆինանսների և էկոնոմիկայի նախարարություն՝ պետական եկամուտների քաղաքականության գլխավոր վարչության պետի տեղակալ, հարկային քաղաքականության վարչության պետ,

2001-2002թթ. - ՀՀ ֆինանսների և էկոնոմիկայի նախարարություն՝ պետական եկամուտների քաղաքականության գլխավոր վարչության պետ

2002-2006թթ.-ՀՀ ֆինանսների և էկոնոմիկայի նախարարություն՝ պետական եկամուտների քաղաքականության վարչության պետ

2006-2008թթ.-ՀՀ ֆինանսների և էկոնոմիկայի նախարարություն՝ նախարարի տեղակալ

2008-2015թթ.- ՀՀ ֆինանսների նախարարություն, նախարարի տեղակալ,

2015-2016թթ.- ՀՀ միջազգային տնտեսական հետազոտման կենտրոնի տնտեսական հետազոտման կենտրոնի նախարարի առաջին տեղակալ,

2016-2018 մայիս ՀՀ տնտեսական զարգացման և ներդրումների նախարար,

02.2019թ.- մինչ օրս «Հրազդանի էներգետիկ կազմակերպություն (ՀրազԶԷԿ)» ԲԲԸ գլխավոր տնօրեն:

Պարգևատրվել է՝ «Անանիա Շիրակացի», «Հայրենիքին մատուցած ծառայությունների համար» 2-րդ աստիճանի մեդալներով, արժանացել է ՀՀ պաշտպանության նախարարի պատվոգրին:

Անձնական տվյալներ՝ ամուսնացած է, ունի 2 երեխա:



Արտաշես Կիրակոսյան

Ծննդյան տարեթիվ՝ 12/10/1977թ.

Կրթություն

1984-1994թթ. - Լենինականի Կիրովի անվան մրջնակարգ դպրոց,
1994-1999թթ. - Երևանի պետական համալսարանի իրավաբանական ֆակուլտետ,
իրավաբանի որակավորում:

Աշխատանքային գործունեություն

2001-2002թթ. - «ՀԷՑ» ՓԲԸ-ի «Կումայրի» մասնաճյուղում որպես իրավաբան,
2003-2008թթ. - ՀՀ ոստիկանության քննչական գլխավոր վարչության Շիրակի մարզի քննչական բաժնում որպես քննիչ,
2008-2009թթ. - ՀՀ ոստիկանության պետի աշխատակազմում որպես ՀՀ ոստիկանության պետի տեղակալի օգնական,
2009-2009թթ. - ՀՀ ոստիկանության քննչական գլխավոր վարչության Երևան քաղաքի քննչական վարչության Կենտրոնի քննչական բաժնում որպես քննիչ,
2010-2011թթ. - ՀՀ աշխատանքի և սոցիալական հարցերի նախարարությունում որպես փորձագետ խորհրդատու, ապա նախարարի օգնական, նախարարի խորհրդական:
2011-2013թթ. - ՀՀ աշխատանքի և սոցիալական հարցերի նախարարությունում որպես աշխատակազմի ղեկավարի տեղակալի պաշտոնակատար,
2013-2018 - ՀՀ գյուղատնտեսության նախարարության աշխատակազմի ղեկավար,
2018-2020թթ. - ՀՀ էներգետիկ ենթակառուցվածքների և բնական պաշարների նախարարության աշխատակազմի ղեկավարի պաշտոնակատար,
2020թ.-ից - «Միջազգային էներգետիկ կորպորացիա» ՓԲԸ-ի գլխավոր տնօրեն:

Անձնական տվյալներ՝ ամուսնացած է, ունի երկու երեխա:



Էդուարդ Մարտիրոսյան

Ծննդյան տարեթիվ՝ 22/06/ 1974թ.,

Կրթություն

1991-1996թթ.-Հայաստանի պետական ճարտարագիտական համալսարանի տրանսպորտային Ֆակուլտետ,

1993-1995թ.թ. - զինվորական պատրաստում նույն համալսարանի զինվորական ամբիոն,

09.1998թ.- զինվորական ծառայություն ՀՀ ազգային անվտանգության ծառայությունում:

Աշխատանքային գործունեություն

10.2018թ. - ՀՀ ազգային անվտանգության ծառայության տնօրենի տեղակալ,

09.2019թ. - ՀՀ ազգային անվտանգության ծառայության տնօրենի պարտականությունների ժամանակավոր կատարող,

03.2020թ. - ՀՀ ազգային անվտանգության ծառայության տնօրեն,

08.2020թ. - «Հայկական ատոմային էլեկտրակայան» ՓԲԸ-ի գլխավոր տնօրենի ժամանակավոր պաշտոնակատար,

16.02.2021թ.-ից - «Հայկական ատոմային էլեկտրակայան» ՓԲԸ-ի գլխավոր տնօրեն:

Անձնական տվյալներ՝ ամուսնացած է, ունի երկու երեխա:



Ալիսա Բաղդասարյան

Ծննդյան տարեթիվ - 14/09/1975թ.

Կրթություն

1992-1997թթ. - Երևանի ժողովրդական տնտեսության ինստիտուտ, տնտեսագետ,
2000-2004թթ. - ՀՀ արդյունաբերության առևտրի նախարարություն, Ը 00002
Տնտեսության նրա ճյուղերի տնտեսագիտության և կառավարում, ասպիրանտուրա:

Աշխատանքային փորձ

1996-2002 թթ. - «Քար և սիլիկատներ» ԳԱՖ տնտեսագետ,
2002-2005թթ. - «Արնիլկա» ՀՁ ՓԲԸ հաշվապահ-տնտեսագետ,
2005-2005թթ. - «Ստանկոնսաբ» ՓԲԸ գլխավոր հաշվապահ, համատեղության
կարգով,
2005-2017թթ. - «ՍԱՍ Գրուպ» ՍՊԸ գլխավոր հաշվապահ,
2008-2013թթ. - «Ռոյալ-Արմենիա» ՍՊԸ գլխավոր հաշվապահ,
2013-2017թթ. - «Կոմֆորտ Ռ և Վ» ՍՊԸ ներքին աուդիտ, գլխավոր հաշվապահ,
2016-2017թթ.- «Բարձրավոլտ էլեկտրացանցեր» ՓԲԸ ֆինանսատնտեսագիտական,
մատակարարման հարցերով տնօրեն,
06.2017թ. մինչ այսօր «Երևանի ՋԷԿ» ՓԲԸ ֆինանսական տնօրեն,
2019թ.-ից - Հայաստանի պետական տնտեսագիտական համալսարան,
ֆինանսական հաշվառում ամբիոնի դասախոս,
05.2020թ.-ից մինչ այսօր «Երևանի ՋԷԿ» ՓԲԸ գլխավոր տնօրենի
պարտականությունները կատարող:

Գիտական աշխատություններ - տպագրված գիտական հոդվածներ:



Գևորգ Պողոսյան

Ծննդյան տարեթիվը՝ 14.05.1968թ. :

Կրթություն

1985-1992թթ.- Հայկական գյուղատնտեսական ինստիտուտը(քաղաք Երևան)

2002-2006թթ. - ՌԴ ՆԳՆ կառավարման ակադեմիայի իրավաբանության ֆակուլտետ (քաղաք Մոսկվա)

Աշխատանքային գործունեություն

1994-1998թթ. - ՀՀ Ոստիկանության Թալինի բաժնի քրեական հետախուզության բաժանմունքի օպերիվազոր

1998-2000թթ. - ՀՀ Ոստիկանության Թալինի բաժնի անչափահասների գործերով բաժանմունքի պետ,

2000-2006թթ.- ՀՀ Ոստիկանության Թալինի բաժնի անձնակազմի և կադրերի գծով բաժնի պետի տեղակալ

2006-2007թթ. - ՀՀ Ոստիկանության Թալինի բաժնի պետի օպերատիվ գծով տեղակալ

2007-2016թթ.- ՀՀ Ոստիկանության Թալինի բաժնի պետ

2019-2020թթ. - ՀՀ Ոստիկանության Մասիսի բաժնի պետ

2020-2021թթ. - ՀՀ Ոստիկանության Արմավիրի բաժնի պետ

04.10.2021-24.05.2022 թթ.- ՀՀ գլխավոր հարկադիր կատարողի տեղակալ

25.05.2022թ-ից - ՀՀ արդարադատության նախարարի խորհրդական

28.07.2022թ. - 26.05.2023թ Արդարադատության նախարարության իրավաբանական ինստիտուտի փոխտնօրեն, գիտ.քարտուղար

26.05.2023թ.- 12.01.2024թ. ՀՀՊՆ Շիրակի մարզի զինվորական կոմիսար,

12.01.2024թ. -01.08.2025թթ. ՀՀՊՆ Երևանի N 1 զինվորական կոմիսար,

01.08.2025 - մինչ օրս ՀՀ Տարածքային Կառավարման Նախարարության «Երևանի ՋԷԿ» ՓԲԸ-ի գլխավոր տնօրենի պաշտոնակատար:

Պարգևներ

ՀՀ Ոստիկանության պետի կողմից պարգևատրվել է «Իրավակարգի ամրապնդման համար», «Մարտական զորակցություն», «Օրենքի պատվար», մեդալներով,

Ոստիկանությունում երկարամյա ծառայության համար 1-ին, 2-րդ, 3-րդ աստիճանի մեդալներով, Ոստիկանությունում գերազանց ծառայության համար կրծքանշանով:

Պարգևատրվել է մարտական «ատրճանակ» զենքով : ՀՀ Գլխավոր Դատադազի կողմից պարգևատրվել է հուշանվերով:Տարբեր գերատեսչությունների կողմից պարգևատրվել է շնորհակալագրերով և ջրանշաններով:

Անձնական տվյալներ՝ Ամուսնացած է, ունի չորս երեխա:



Ալվինա Աբաջյան

Կրթություն

1998-2002թթ. - Երևանի պետական համալսարանի տնտեսագիտության ֆակուլտետ՝ բակալավրի աստիճան՝ Ֆինանսներ և Հաշվապահություն,
2002-2004թթ. - Երևանի պետական համալսարանի տնտեսագիտության ֆակուլտետ՝ մագիստրոսի աստիճան Ֆինանսներ և Հաշվապահություն,
2002-2004թթ. - Հայաստանի Հանրապետության պետական կառավարման ակադեմիա Պետական կառավարման և տեղական ինքնակառավարման դիպլոմ, Հանրային ծառայողի որակավորում,
2008թ.-ից ներկա - ACCA (Երդվյալ որակավորված հաշվապահների ասոցիացիա):

Աշխատանքային գործունեություն

2006-2008թթ. - «ՀԱՅԷԿՈՆՈՄԲԱՆԿ» ԲԲԸ, Վարկերի և ռեսուրսների ներգրավման բաժին, Միջազգային վարկային ծրագրերի առաջատար վարկային մասնագետ,
2008-2011թթ. - «Քեյ-Փի-Էմ-Ջի Արմենիա» ՍՊԸ, աուդիտոր,
2011-2014թթ. - «Քեյ-Փի-Էմ-Ջի Արմենիա» ՍՊԸ, ավագ աուդիտոր,
2014-2019թթ. - «Զանգեզուրի Պղնձամոլիբդենային Կոմբինատ» ՓԲԸ, Պլանավորման, բյուջետավորման և հաշվետվության բաժնի ղեկավար,
2019-2022թթ. - «ՔոնթուրԳլոբալ Հիդրո Կասկադ» ՓԲԸ, Գլխավոր ֆինանսական տնօրեն,
2023թ.-ից մինչ օրս - «ՔոնթուրԳլոբալ Հիդրո Կասկադ» ՓԲԸ-ի գլխավոր տնօրեն:



Երանուհի Աղոյան

Ծննդյան տարեթիվ՝ 04.04.1970թ.

Կրթություն

01.09.1988-04.08.1993թթ.-Հայաստանի Պետական Ճարտարագիտական համալսարան, էներգետիկայի ֆակուլտետ, ճարտարագետ - ջերմաէներգետիկի որակավորում:

Աշխատանքային գործունեություն

1987-1988թթ. - «Երքաղգործկոմ» ՃՀՇՎ, տեխնիկ,

1993-1995թթ. - «Նելսոն» ՍՊԸ, գլխավոր հաշվապահ,

1995-1995թթ. - Միքայելյանի անվան վիրաբուժական կենտրոն, գլխավոր հաշվապահի տեղակալ,

1995-1998թթ. - «Երևանի էլեկտրացանց» ՊՁ «Կենտրոն» մ/ճ, առաջին կարգի հաշվապահ, գլխավոր հաշվապահի տեղակալ,

1998-2002թթ. - «Կենտրոնական էլեկտրացանց» ՊՓԲԸ, գլխավոր հաշվապահի տեղակալ

2002-2006թթ.- «Հայաստանի էլեկտրական ցանցեր» ՓԲԸ, գլխավոր հաշվապահի տեղակալ

2006թ.-ից առ այսօր - «Հայաստանի էլեկտրական ցանցեր» ՓԲԸ, Հաշվապահական հաշվառման և հաշվետվությունների դեպարտամենտ, գլխավոր հաշվապահի տեղակալ:



Նաիրի Աղամյան

Ծննդյան տարեթիվ՝ 08.07.1974թ.,

Կրթություն

1990–1995թթ. Երևանի պետական տնտեսագիտական, ֆինանսահաշվային ֆակուլտետ, հաշվապահական հաշվառման, վերահսկողության և վերլուծության ամբիոն, տնտեսագետ

Աշխատանքային գործունեություն

01.1997-08.1998թ.թ.- «Շահումյան էլցանց» ՊԶ, «Հայաստան» ԴՁ՝ գլխավոր հաշվապահ, 08.98-08.99թ.թ.-«Երևանի էլցանց» ՓԲԸ Դավիթաշեն մասնաճյուղ՝ գլխավոր հաշվապահ,

08.1999-07.2000թթ.-ՀՀ ֆինանսների և էկոնոմիկայի նախարարություն, ֆինանսական հաշվետվությունների մեթոդաբանության բաժնի պետ,

07.2000-03.2002թթ.-«Կենտրոնական էլեկտրացանց» ՓԲԸ, գլխավոր տնօրենի տեղակալ ֆինանսների և էկոնոմիկայի հարցերով, գլխավոր հաշվապահ

03.2002-09.2002թթ.-«Հայաստանի էլեկտրական ցանցեր» ՓԲԸ, գլխավոր հաշվապահ 09.2002-11.2002թթ.-«Midland Resources Holding ՍՊԸ, Ֆինանսահաշվապահական խորհրդատու.

11.2002-07.2004թթ.-«Հրազդանի ՋԷԿ» ՓԲԸ, Գլխավոր հաշվապահ

07.2004-06.06թթ.-ՀՀ Ազգային ժողով Ֆինանսական և հաշվապահական հաշվառման վարչության պետ

09.2006թ.-ից-«Նեքսիա Արմենիա» ՓԲԸ (մինչև 2024թ սեպտեմբեր անվանվել է «Էյ-Էն Աուդիտ» ՓԲԸ) հաշվապահական խորհրդատվական ընկերություն, փոխտնօրեն

10.2015 -2025թթ. «Հայաստանի էլեկտրական ցանցեր» ՓԲԸ, գլխավոր տնօրենի տեղակալ, գլխավոր հաշվապահ

Դասավանդման փորձառություն

2008- 2009թ.թ. - Հաշվապահական հաշվառման հիմունքները սկսնակների և ծրագրավորողների համար, «Հայկական Ծրագրեր» ՍՊԸ

05.2007-08-2007թ.թ. - Համայնքային բյուջեներից ֆինանսավորվող բյուջետային հիմնարկների հաշվապահական անձնակազմի վերապատրաստման դասընթացներ հաշվապահական հաշվառման գծով. Տեսական և գործնական հարցեր, հաշվապահական համակարգչային ծրագրերի ներդրումը, Կազմակերպված «ՏԻ Կենտրոն» ՍՊԸ-ի կողմից.

Վկայականներ,անդամակցություն,մասնակցություն, ներկայացումներ

2021թ. - Աուդիտորի որակավորման վկայական No Ա 0076, «Հայաստանի աուդիտորների և փորձագետ հաշվապահների պալատ» ՀԿ

2021թ-ից - «Հայաստանի աուդիտորների և փորձագետ հաշվապահների պալատ» ՀԿ,
խորհրդի անդամ,
2015թ. -Աուդիտորի որակավորման վկայական No 000151, «Հայաստանի հաշվապահների
և աուդիտորների ասոցիացիա» ՀԿ,
2010-2015թ.թ. - Որակավորված աուդիտորի վկայական No 125, ՀՀ ֆինանսների
նախարարության կողմից 09.03.2010թ
2001-2004թ.թ. - Որակավորված հաշվապահի վկայական No 0060, տրված ՀՀ
ֆինանսների և էկոնոմիկայի նախարարության կողմից 14.03.2002թ.
2000թ-ից «Հայաստանի հաշվապահների և աուդիտորների ասոցիացիա»
հաշվապահական հաշվառման հանձնաժողովի անդամ
2003թ. - Հարավային Կովկասի հաշվապահների և աուդիտորների ռեգիոնալ կոնֆերանս
(Բաթումի) հաշվապահական հաշվառման և աուդիտի, ինչպես նաև հաշվապահների և
աուդիտորների պատրաստման և վերապատրաստման ներդաշնակեցման հարցերի
շուրջ, մասնակից, զեկուցող

Դասային աստիճան

ՀՀ պետական ծառայության 2-րդ դասի պետական խորհրդական:

Պետական պարգևներ

ՀՀ Էներգետիկայի նախարարության ոսկե մեդալ:



Դավիթ Գրիգորյան

Ծննդյան տարեթիվ՝ 13/09/1989թ.

Կրթություն

2006-2010թթ.-Հայաստանի պետական տնտեսագիտական համալսարան, Կառավարման ֆակուլտետի բակալավրիատ,

2011-2013թթ.- Հայաստանի պետական տնտեսագիտական համալսարան ֆինանսական ֆակուլտետի մագիստրատուրա:

Աշխատանքային գործունեություն

2010-2015թթ.-«ՌԵՍՈ Ապահովագրական» ՓԲԸ, Գույքային ապահովագրության բաժնի ավագ մասնագետ,

2016-2017թթ. - ՀՀ հատուկ քննչական ծառայություն, Ֆինանսական բաժնի գլխավոր մասնագետ,

2017-2018թթ. - Գյուղատնտեսության զարգացման հիմնադրամ, Պետական գնումների մասնագետ, գործերի կառավարիչ,

2018-2023թթ. - «Բարձրավոլտ էլեկտրացանցեր» ՓԲԸ, գլխավոր տնօրենի տեղակալ,

2023թ.ից - «Էլեկտրաէներգետիկական համակարգի օպերատոր» ՓԲԸ գլխավոր տնօրենի տեղակալ,

14.06.2024թ. - «Էլեկտրաէներգետիկական համակարգի օպերատոր» ՓԲԸ գլխավոր տնօրենի պարտականությունները կատարող:

Անձնական տվյալներ՝ ամուսնացած է, ունի 2 երեխա:



Նարեկ Ապիտոնյան

Ծննդյան տարեթիվ՝ 02.03.1985թ.

Կրթություն

2002-2006թթ. - Հայաստանի ազգային պոլիտեխնիկական համալսարանի կից Մեծամորի վարժարան,

2002-2006թթ. - Հայաստանի ազգային պոլիտեխնիկական համալսարան, Արդյունաբերական կայանքների և տեխնոլոգիական համալիրների էլեկտրահաղորդակցում և ավտոմատիկա, բակալավրիատ,

2016-2018թթ.- Հայաստանի ազգային պոլիտեխնիկական համալսարան, մագիստրատուրա,

Աշխատանքային գործունեություն

2006-2011թթ. - Ձեռնարկատիրական գործունեություն

2011-2024թթ. - «ՀԱԷԿ» ՓԲԸ էլեկտրական արտադրամասի գլխավոր ղեկավարման վահանակի ավագ ճարտարագետ,

2024-2025թթ. - ՀՀ ՏԿԵՆ էներգետիկայի վարչության խորհրդական,

2025-2026թթ. - «Էլեկտրաէներգետիկական համակարգի օպերատոր» ՓԲԸ գլխավոր տնօրենի ժամանակավոր պաշտոնակատար,

Անձնական տվյալներ՝ Ամուսնացած է, ունի 3 երեխա:



Ստեփան Պետրոսյան

Ծննդյան տարեթիվ՝ 17.07.1951թ. :

Կրթություն

1968-1973թթ. - սովորել և գերազանցության դիպլոմով ավարտել է Երևանի պետական համալսարանի ֆիզիկայի ֆակուլտետը:

1973-1976թթ. - ուսանել է Սանկտ Պետերբուրգի ԽՍՀՄ ԳԱԱ Իոֆֆեյի անվան Ֆիզիկա-տեխնիկական ինստիտուտի ասպիրանտուրայում՝ կիսահաղորդիչների ֆիզիկա մասնագիտությամբ:

Աշխատանքային գործունեություն

1977-1984թթ. - Երևանի պետական համալսարանի ռադիոֆիզիկայի ֆակուլտետի կիսահաղորդիչների և դիէլեկտրիկների ֆիզիկայի ամբիոնի կրտսեր, ավագ գիտաշխատող:

1984-1991թթ. - Երևանի պետական համալսարան, ռադիոֆիզիկայի ֆակուլտետի կիսահաղորդիչների և դիէլեկտրիկների ֆիզիկայի ամբիոնի դոցենտ:

1991-2004թթ. - Երևանի պետական համալսարանի ռադիոֆիզիկայի ֆակուլտետի կիսահաղորդիչների և դիէլեկտրիկների ֆիզիկայի ամբիոնի պրոֆեսոր:

2003-2008թթ. - «Կիսահաղորդչային նանոէլեկտրոնիկա» հանրապետական նպատակային ծրագրի տեսական խմբի ղեկավար:

2004-2008թթ. - Ռուս-հայկական (Սլավոնական) համալսարանի ֆիզիկա-տեխնիկական ֆակուլտետի դեկան, պինդ մարմնային էլեկտրոնիկայի նյութերի և բաղադրիչների ամբիոնի պրոֆեսոր:

2008թ. - 2011թ. - ՀՀ սփյուռքի նախարարություն, նախարարի տեղակալ:

2011թ. - ՀՀ սփյուռքի նախարարի խորհրդական:

Ֆիզիկա-մաթեմատիկական գիտությունների դոկտոր է (1990թ., Սանկտ Պետերբուրգի տեխնիկական համալսարան), պրոֆեսոր (2005թ.):

2013թ.-ին պարգևատրվել է «Մովսես Խորենացի» մեդալով:

Գիտական

գործունեություն

Երեք ուսումնամեթոդական ձեռնարկների, երկու մենագրության և շուրջ 120 գիտական հոդվածների հեղինակ է, որոնց գերակշիռ մասը հրատարակված է արտասահմանյան հեղինակավոր ամսագրերում: Մասնակցել և զեկույցներով հանդես է եկել բազմաթիվ միջազգային գիտական համաժողովներում:

Միջազգային կապեր և այցելություններ

1984-1985թթ. - ԱՄՆ, Լուիզիանայի պետական համալսարան, Ռիվերսայդի կալիֆորնիական համալսարան, գիտական երկարատև գործուղում:

1989-1990թթ. - Ռուսաստան, Սանկտ Պետերբուրգի ԽՍՀՄ ԳԱԱ Իոֆֆեյի անվան ֆիզիկա-տեխնիկական ինստիտուտ, դոկտորանտ:

1988, 1992, 1994, 1997թթ. - Իտալիա, Տրիեստի տեսական ֆիզիկայի միջազգային կենտրոն, մեկից մինչև երեք ամսյա մասնակցություն գիտական դպրոցի աշխատանքներին որպես առաջատար հետազոտող:

1997-2004թթ. - Իտալիա, Տրիեստի տեսական ֆիզիկայի միջազգային կենտրոն որպես այդ կենտրոնի ընտրված անդամ, մասնակցություն գիտական համաժողովներին, դասախոսություններ, գիտական աշխատանք:

2001թ. - Իտալիա, Պավիայի պետական համալսարան, վեցամսյա գիտական աշխատանք:

2003թ. - Ֆրանսիա, Ստրասբուրգի PHASE-CNRS լաբորատորիա, մեկամսյա գիտական համատեղ աշխատանք:

2002թ., 2005թ. - Գերմանիա, Բոխումի համալսարան, մեկամսյա և երեքամսյա գիտական աշխատանք և դասախոսություններ կիսահաղորդչային նանո-էլեկտրոնիկայից:

2007թ. - Կանադա, Տորոնտոյի համալսարան, մեկամսյա գիտական աշխատանք:

Դրամաշնորհներ

INTAS (EU, երկու), TRIL (Italy), ISTC (USA), ANSEF (USA), CIDA(Canada).

Անդամություն գիտական խորհուրդներին և ընկերություններին

ԵՊՀ խորհրդի անդամ (1999-2003թթ.), ԵՊՀ ռադիոֆիզիկայի ֆակուլտետի խորհրդի անդամ (1991-2005թթ.), ՌՀ(Ս)Հ Գիտական խորհրդի անդամ (2005-2009թթ.), ԵՊՀ 049 - Մասնագիտացված խորհրդի անդամ (1998-2009թթ.), ՀՀ ԳԱԱ ` թղթակից անդամ (2010թ.):

Անձնական տվյալներ ` Ամուսնացած է, ունի երեք երեխա:



Ռոմիկ Հովհաննեսի Ավոյան

Ծննդյան տարեթիվ՝ 26.02.2000թ. :

Կրթություն

2016 - 2020թթ.- Հայաստանի ազգային պոլիտեխնիկական համալսարան
Էներգետիկայի և էլեկտրատեխնիկայի ինստիտուտ, բակալավրիատ՝
Էլեկտրաէներգետիկա,

2020 - 2022թթ. - Հայաստանի ազգային պոլիտեխնիկական համալսարան
Էներգետիկայի և էլեկտրատեխնիկայի ինստիտուտ, մագիստրատուրա՝
Այլընտրանքային Էներգետիկա,

2022թ.-ից Հայաստանի ազգային պոլիտեխնիկական համալսարան (ՀԱՊՀ)
Էներգետիկայի և էլեկտրատեխնիկայի ինստիտուտ, Ասպիրանտուրա՝
Վերականգնվող և այլընտրանքային էներգետիկայի կայաններ,

Աշխատանքային գործունեություն

2020 - 2021թթ. - «ԻՆՏԵԿՈ ԷՆԵՐԳՈ» ՓԲԸ, ճարտարագետ,

2021 - 2022թթ. - «Արփի Սոլար» ՍՊԸ, Էներգետիկ ճարտարագետ,

03.2023 թ. - 12.2023 թ. - ՀԱՊՀ Էներգետիկայի և էլեկտրատեխնիկայի ինստիտուտ,
տնօրենի տեղակալ,

12.2023թ.-ից - ՀԱՊՀ Էներգետիկայի և էլեկտրատեխնիկայի ինստիտուտ, տնօրենի
պաշտոնակատար

Գիտական գործունեություն

11.2022թ.-ից - ՀԱՊՀ հելիոտեխնիկայի բազային գիտահետազոտական
լաբորատորիա, կրտսեր գիտաշխատող

Հասարակական գործունեություն

03.2023թ.-ից - ՀԱՊՀ, Գիտական խորհրդի անդամ

Մրցանակներ և պատվոգրեր

2022թ. - ՀՀ ԿԳՄՍՆ, Հայաստանի լավագույն ուսանող՝ «Ինժեներական
մասնագիտությամբ լավագույն ուսանող» անվանակարգում,

5. Խորհրդի աշխատանքի գնահատումը

Խորհուրդը չի ընդունել գնահատման քաղաքականություն:

Խորհուրդը չի իրականացրել ինքնագնահատում:

6. Խորհրդի հանձնաժողովները

Ընկերության խորհուրդը չի ստեղծել խորհրդի հանձնաժողովներ:

Խորհուրդը աուդիտի հանձնաժողով չի ստեղծել:

7. Գործադիր մարմին

Գործադիր մարմինը (գլխավոր տնօրենը) նշանակվում է Ժողովի (Բաժնետիրոջ) որոշմամբ և իրականացնում է Ընկերության ընթացիկ գործունեության ղեկավարումը: Գործադիր մարմնի իրավասությանն են պատկանում Ընկերության գործունեության կառավարման հետ կապված բոլոր հարցերը, բացառությամբ Ժողովի և Խորհրդի բացառիկ իրավասություն հանդիսացող հարցերի: Գլխավոր տնօրենն իր պարտականությունների կատարման ընթացքում գործում է ելնելով Ընկերության շահերից և պատասխանատվություն է կրում Օրենքով և Ընկերության Կանոնադրությամբ, այլ իրավական ակտերով և Ընկերության հետ կնքված պայմանագրով (որն ընկերության անունից ստորագրում է Ընկերության բաժնետոմսերի կառավարման լիազորություն իրականացնող անձը՝ ՀՀ ՏԿԵ նախարարը) նախատեսված գործառույթների և պարտականությունների բարեխիղճ և պատշաճ կատարման համար: Գործադիր մարմնի (գլխավոր տնօրենի և գլխավոր տնօրենի պարտականությունները կատարողի) համառոտ կենսագրությունները ներկայացված են սույն Ձեկույցի 4-րդ բաժնի Ընկերության Խորհուրդը բաժնի «4.4.Տեղեկություններ Ընկերության Խորհրդի կազմի մասին» ենթաբաժնում:

8. Տեղեկատվություն Ընկերության իրական շահառուի մասին

Ընկերության իրական շահառու է հանդիսանում Ընկերության գործադիր մարմինը՝ մինչև 2025թ. հունիսի 20-ը գլխավոր տնօրենի պարտականությունները կատարող, գլխավոր տնօրենի տեղակալ Դավիթ Գրիգորյանը, իսկ 2025թ. հունիսի 20-ից - 2026թ. հունվարի 7-ը՝ Ընկերության գլխավոր տնօրենի ժամանակավոր պաշտոնակատար Նարեկ Ապիտոնյանը:

9. Ներքին աուդիտ

Խորհրդի կողմից Ընկերության ներքին աուդիտ չի նշանակվել:

10. Կորպորատիվ քարտուղար

Խորհրդի կողմից Ընկերության կորպորատիվ քարտուղար չի նշանակված, սակայն նրա պարտականությունները մասնակիորեն կատարում է Խորհրդի քարտուղարի պարտականությունները կատարողը (Ա. Պողոսյան) համաձայն Խորհրդի գործունեության կանոնակարգի՝ Խորհրդի նիստերի հրավիրում, նիստին ներկայացվող փաստաթղթերի նախապատրաստում, արձանագրության վարում և այլն:

11. Արտաքին աուդիտ

Ընկերությունը 2025թ. մրցութային կարգով արտաքին աուդիտ է ընտրել «ԷՅ ՎԻ Քընսալթինգ ընդ Աուդիտ» սահմանափակ պատասխանատվությամբ ընկերությանը, որը հաստատվել է ԲԸ Ժողովի կողմից՝ համաձայն «Բաժնետիրական Ընկերությունների մասին» ՀՀ օրենքի 67 հոդվածի 10-րդ կետի, իսկ նրա վարձատրության չափը սահմանել է Ընկերության Խորհուրդը՝ համաձայն «Բաժնետիրական Ընկերությունների մասին» ՀՀ օրենքի 84 հոդվածի 13-րդ կետի: